

DEN EDICION AKI

CODIGO DI PROTECCION TA
IMPLEMENTA DEN ARUBAANSE
VERENIGING FYSIOTHERAPEUTEN

FADA KEDANDO TAMBE CLA CU SU
PROTOCOL DI IMPLEMENTACION Y
COLABORACION

ASOCIACION ARUBANO DI
PSICOLOGO Y ORTOPEDAGOGO TIN 1
SUPERVISOR DI CODIGO Y CU
INTERES PA UN DI DOS DEN 2023

STICHTING HUNTO TIN HOPI ASPECTO
'IN PLACE' Y LO MESTER DJIS
INCORPORA E PROTOCOL DI CODIGO
DI PROTECCION

FINALMENTE A LOGRA UN
PROTOCOL DI CODIGO DI
PROTECCION PA E SCOLNAN
PUBLICO

TRAHANDO RIBA E PASONAN
DURADERO PA E FUTURO
MAESTRONAN NA IPA

PROTOCOL CENTRO DI CUIDO DI
MUCHA TA FINALISA

STICHTING CASA CUNA CU 2
SUPERVISOR DI CODIGO

HEART CENTERED LEADERSHIP
FOUNDATION KIER GARANTISA
CODIGO DI PROTECCION

DEPARTAMENTO ASUNTO SOCIAL TA
DRENTANDO DEN E FASE FINAL DI
IMPLEMENTACION DI CODIGO DI
PROTECCION

SCOUTING ARUBA TA INICIA NAN
TRAYECTO DI IMPLEMENTA CODIGO
DI PROTECCION

DEN EDICION AKI

BISHITA DI TEAM DI CORSOU DI:
KODIGO DI PROTEKSHON

12 SUPERVISOR DI CODIGO A
FINALISA NAN 6 MITAR DIA DI
CURSO

CURSO DI RECAPACITACION PA E
PROME GRUPO DI SUPERVISOR DI
CODIGO DI 2021

NOTA CODIGO DI PROTECCION
TA BAY CONSEHO DI MINISTER

TEAM DI CODIGO DI PROTECCION
TA GRADICI STAN VAN HAAREN
PA SU TREMENDO SOSTEN Y
GUIA PROFESIONAL

JEUGDGEZONDHEIDSZORG
COMPLETO TA TRAHA CU
CODIGO DI PROTECCION

HAVA CU 2 SUPERVISOR DI
CODIGO

IMSAN TRAHANDO RIBA E
PROTOCOL DI IMPLEMENTACION



Gobierno di **Aruba**



FINALISANDO E PROME PARTI DI IMPLEMENTACION CU PASO DURADERO Y SOSTENIBEL

BISHITA DI TEAM DI CORSOU DI: KODIGO DI PROTEKSHON



GOBIÈRNU DI KÒRSOU

Luna di november a habri y e team di Codigo di Proteccion a ricibi e delegacion di hermana isla di Corsou, cu un bishita di trabou relaciona cu e trayecto di implementacion di e ley di Codigo di Proteccion na Aruba.

Na comienso di 2021 a bin den contacto cu Gobierno di Curaçao, SOAW y Unicef NL cu e mesun pregunta, pa asina nan tambe haya sosten tecnico pa inicia nan trayecto di implementacion y desaroyo di un Codigo di Proteccion, pues a adopta e nomber for di nos. For di e fondonan cu Aruba a haya di Union Europeo UNICEF a pone tambe fondo disponibel pa inicia e trayecto aki na Curaçao, y asina na comienso di september 2021, Curaçao a haya su coordinador nacional y awo tambe tin un lider di proyecto for di e ministerionan SOAW, GMN y OWSC.



BISHITA DI TEAM DI CORSOUI DI: KODIGO DI PROTEKSHON

E meta principal di e encuentro aki tabata; comparti e experencianan den henter e proceso y specialmente inspira nan, cu ta trahando hunto so por logra 'milestones', sumamente grandi y bunita pa nos mucha- y hobennan den region Caribe. Na final a palabra cu team di Aruba, cu lo bay ofrece sosten y guia na e team di Corsou y asina nan tambe por cuminsa cu e proceso aki, lo mas pronto posibel.

Pues, un paso sumamente importante, caminda ta bay colabora mas cu Corsou den e caso aki, mirando cu nan tambe a scoge pa bay e direccion aki. Presente tabata e diferente 'trayectleiders' di e diferente ministerionan na Curaçao y tambe e coordinador nacional pa loke ta trata codigo di proteccion.

Un di e puntonan cu a bin dilanti ta, pa ancra e tipo di colaboracionnan aki, pa e por ta di un forma structural, mirando cu e ta sumamente importante, pa por sigui eleva seguridad y proteccion pa nos muchanan.



12 SUPERVISOR DI CODIGO A FINALISA NAN 6 MITAR DIA DI CURSO

Desde cu e team di Codigo di Proteccion ta bezig den diferente instancia/departamento cu implementacion di Codigo di Proteccion, e interes ta sigui crece cerca e profesionalnan pa nan nifica algo mas y asina brinda e proteccion necesario na nos mucha- y hobennan. E curso aki tabata bou guia y supervision di Jullie-Ann Thode y Efraim Suurendonk, cu a percura pa tur 6 dianan ta perfectamente coordina y ehecuta.

Minister di Husticia y Asuntonan Social, Rocco Tjon, a haci entrega di certificado na tur esunnan cu a sigui e curso di Supervisor di Codigo di Proteccion. Ta bon pa enfatisa cu Codigo di Proteccion ta un herment cu a implementa algun aña atras, a traves di e Social Crisis Plan y necesidad di e profesionalnan mes y e ta anca den 'Burgelijke Wetboek 1' den articulo 243. Codigo di Proteccion ta pa tur profesional traha na un forma uniforme y atende cu e señalnan di posibel sospecho di abuso di mucha.



12 SUPERVISOR DI CODIGO A FINALISA NAN 6 MITAR DIA DI CURSO



E di dos grupo di 12 profesional cu a termina e training di Supervisor di Codigo ta un grupo hopi entusiasma y nan mes a expresa nan placer, preocupacion como tambe nan expectativa di compromiso di gobierno na minister.

E 12 Supervisor di Codigo ta:

Anabella Campbell
Xochimilca Woorts
Vivian Carter
Milbania Werleman
Miosotis Tromp
Clarisse Lopez
Tanya Filiciana – Kirchner.

Arabella Blanca
Frederika Rangel
Yanelis Botman
Lianne Courtar
Liane Croes

CURSO DI RECAPACITACION PA E PROME GRUPO DI SUPERVISOR DI CODIGO DI 2021

Departamento di Mucha y Hoben (DMH) conhuntamente cu Vereniging LVAK (Landelijk Vereniging Aandachtfunctionaris Kindermishandeling) di Hulanda a organisa e prome recapacitacion di profesionalisacion p'e Supervisoran di Codigo y Train de Trainers di Codigo di Proteccion Aruba.

Un total di 33 profesional for di 4 sectornan tabata presente na e training, cu a inicia pa 9:30 am y a termina pa 4:00 pm via di Zoom, cu 4 profesional ekipa y cu contenido relevante.

A inicia e mainta cu Lydia Janssen, cu no ta desconoci na Aruba. E ta un consehero huridico y formadora den cuidado y bienestar di hoben. Den su sesion a trata; con, unda y ki ora bo ta documenta concretamente, ken por tin 'inzage', con largo ta warda e documentacion y si esun involucra tin derecho riba coreccion/destruccion di su documentacion.



Departamento
di Mucha y Hoben

Pa bienestar di un comunidad,
proteha nos mucha- y hobennan!

LVAK

Despues a sigui cu e consecucionan di stress toxico duna pa Xavier Moonen, un orthopedagoog-generalist y GZ-psycholoog y un emeritus hoogleraar na Universidad di Amsterdam y un emeritus lector na Zuyd Hogeschool na Heerlen. Den e sesion aki a trata: mucha y adulto den diferente suceso/situacion fastioso sea den un periodo largo of cortico y no ta haya (bon) sosten cu por tin impacto pa bida henter. Tambe a enfoca riba e posibel consecuencia di esaki y con por preveni stress toxico, como tambe con por yuda/guia y duna sosten na un colega cu a pasa den un situacion di abuso di mucha/violencia relacional.

CURSO DI RECAPACITACION PA E PROME GRUPO DI SUPERVISOR DI CODIGO DI 2021

E di tres orador tabata Belle Barbé, cu ta fundador di Wipsite, cu ta un website di educacion sexual y autor di e prome 'sekspositieve voorlichtingsboek'; 'Ik & seks' y ta traha como 'gezondheidsbevorderaar' pa GGD region Utrecht. A trata: e desaroyo sexual saludabel di mucha/hoben- y cua ta e situacionnan cu mester tin preocupacion p'e. A duna ehempel di caso ki ora un comportacion ta normal, preocupante y grave.

Finalmente a sera e dia cu Sanne Eggen, cu ta traha na un organisacion di ayudo di hoben y tambe tin su propio compania; Visie op Jeugd, unda e ta traha como trainer/lider di proyecto; Samen voor Veiligheid. Sanne a elabora riba: actitud basico den combersacion, inclui motivacion di e coleganan pa uza CdP. Stimula e coleganan pa rekeri un cooperacion real basa riba un actitud basico comparti, mirando cu como SdC bo tin rol di duna sosten y facilita e profesionalnan.



Na final mayoria di e profesionalnan a duna nan opinion y por considera e dia uno sumamente exitoso, yena di informacion relevante y cu contenido pa nan rol como Supervisor diCodigo y tambe Train de Trainers pa Codigo di Proteccion. Intencion ta, cu tur aña ta keda organisa dia di recapacitacion conhuntamente cu LVAK, mirando cu DMH y LVAK ta trahando riba e pasonan concreto pa bira un 'zusvereniging'.

DMH ta gradici LVAK y tur e Supervisoran di Codigo como Train de Trainers, sin laga afo e directornan di e instancianan concerni, pa brinda e espacio y oportunidad pa haci esaki posibel p'e 33 profesionalnan na Aruba.

NOTA CODIGO DI PROTECCION TA BAY CONSEHO DI MINISTER



Ministerio di Husticia
y Asuntonan Social




Minister Tjon a indica durante e entregamento di certificado na e 12 Supervisornan diCodigo, cu e Nota di Maneho diCodigo di Proteccion lo ta den Consejo di Minister pronto haya aprobacion, pa garantisaa y salvaguardiaCodigo di Proteccion den un forma duradero y structural dentro di tur e 4 sectornan. E Nota diCodigo di Proteccion lo percursa pa a traves di un Decreto Ministerial (Ministeriële Beschikking) e 43 Supervisornan diCodigo y Trainers diCodigo cu nos tin aworaki activo, ehecuta e tareanan aki tambe pa e siguiente tres añanan nos dilanti. E nota aki ta tene cuenta tambe, cu pa e añanan nos dilanti nan por sigui actualisa nan mes y sigui haya e trainingnan/cursonan necesario pa facilita, guia y duna sosten na e profesionalnan den veld.



TEAM DI CODIGO DI PROTECCION TA GRADICI STAN VAN HAAREN PA SU TREMENDO SOSTEN Y GUIA PROFESIONAL



Dia 23 di januari 2020, Sue-Ann Ras, Coordinador Nacional di Codigo di Proteccion hunto cu Stan van Haaren, 'Senior Specialist Kinderrechten Cariben' pa UNICEF NL, a presenta concepto di e Decreto Nacional y su trayecto di implementacion di Codigo di Proteccion (meldcode). For di e dia ey cu e trayecto di Codigo di Proteccion a inicia, semper a indica cu Codigo di Proteccion ta un forma di traha nacional preventivo, estructura y uniforme, pa combati (sospecho di) abuso di mucha den 4 sector: husticia, social, enseñansa y salubridad.



TEAM DI CODIGO DI PROTECCION TA GRADICI STAN VAN HAAREN PA SU TREMENDO SOSTEN Y GUIA PROFESIONAL

Den transcurso di aña 2020 te cu awor casi final di 2022, Stan van Haaren a sa di duna sosten, guia y conseho tecnico den e trayecto. Stan hunto cu Sue-Ann a cuminsa for di nada y poco poco a cuminsa duna forma, contenido y structura, ya cu e trayecto di Codigo di Proteccion ta basa riba 'action learning', cu ta duna bo e espacio y flexibilidad di adapta, analisa y evalua cada paso. No tin un manual ni tampoco e famoso 'draaiboek', pero mas bien, ta siña paso pa paso con ta e mihor manera pa implementa esaki.

Pero si Codigo di Proteccion tin su beneficianan:

- E ta un herment pa por eherce cuidadosamente e derecho di notifica.
- E profesionalnan y e mucha-/hobennan y nan famia sa kico por spera.
- Trece claridad y hasta transparencia den e pasonan.
- Uniformidad den idioma y proceso.
- Verificabel y por monitoria.

Banda di esaki, Stan a percura tambe pa Aruba amplia su netwerk profesional cu Hulanda, habriendo caminda cu diferente instancia, manera;

- Augeo Foundation: cu ta duna sosten di contenido y tecnico durante e desaroyamento di e materialnan (website, animacion, infographics etc.)
- Vereniging 'Landelijke Vakgroep Aandachtfunctionarissen Huiselijk geweld en Kindermishandeling' (LVAK): Duna sosten pa crea e training di Supervisor di Codigo y 'Train de Trainer' di 14 trainers Arubiano.

THANK YOU!

TEAM DI CODIGO DI PROTECCION TA GRADICI STAN VAN HAAREN PA SU TREMENDO SOSTEN Y GUIA PROFESIONAL



No tin duda cu e trabounan haci cu Stan van Haaren ta di balor agrega y te ainda nos ta sigui traha estrechamente cu otro, pa finalmente nos yega na unCodigo di Proteccion Arubano pa cada grupo profesional (preferiblemente universal), cu ta aporta y yuda nan haci un mihor evaluacion ainda, pa continua cu ayudo y/of si mester of no mester notifica caso di (sospecho di) abuso di mucha na Aruba.

SECTOR SALUD

JEUGDGEZONDHEIDSZORG COMPLETO TA TRAHA CU CODIGO DI PROTECCION

Lider di Proyecto, Laura Rumahloine, a tene e di dos encuentro cu henter e team di Supervisor di Codigo di Jeugdgezondheidszorg (JGZ) como tambe e sector huridico. JGZ ta bezig cu ICT pa haci e raportahenan mas facil y e meta ta cu cada mucha di Aruba cu ta gescreen, lo ta gescreen tambe riba e posibel señalnan di abuso di mucha, pues paso 1 di Codigo di Proteccion. Meta ta tambe pa den tur evaluacion cu ta haci na e scolnan, aplica e paso 1 di Codigo.



Como palabracion y conclusion DVG/JGZ a indica cu nan tin suficiente Supervisor di Codigo y trainers den 'cas' pa carga Codigo di Proteccion independientemente. Efraim Suurendonk lo sigui ta e persona di contacto pa DMH cerca JGZ, pa cualkier pregunta, conseho y guia relaciona cu Codigo di Proteccion y e dossier digital.

HAVA CU 2 SUPERVISOR DI CODIGO

HAVA tambe a haya presentacion y ta bezig awor cu e fase di implementacion dentro di HAVA mes. Na mesun momento HAVA a apunta Arabella Blanca y Frederika Rangel como e dos Supervisor di Codigo y nan a completa nan curso recientemente. Jullie-Ann Thode lo keda den contacto directo cu e dos Supervisor di Codigo pa e proceso, guia y sosten di implementacion di Codigo di Proteccion.



H A V A
HUISARTSEN VERENIGING ARUBA

IMSAN TRAHANDO RIBA E PROTOCOL DI IMPLEMENTACION

ImSan ya tin su prome Supervisor di Codigo, Milbania (Milly) Werleman y riba 28 di november a duna un presentacion di Codigo di Proteccion na parti di e team di ambulance. E siguiente presentacion ta programa pa 11 di januari 2023, unda Jullie-Ann lo percursa pa haci un presentacion tambe na e sector di Spoedeisende hulp. Milly ya ta trahando na e protocol di implementacion y lo percursa pa regla algun asunto interno prome, p'asina garantisa cu e proceso lo cana debidamente y eficientemente.

CODIGO DI PROTECCION TA IMPLEMENTA DEN ARUBAANSE VERENIGING FYSIOTHERAPEUTEN

Despues di un trayecto rapido y decisivo, por bisa cu e protocol di implementacion diCodigo di Proteccion ta difundi, acepta y implementa dentro di tur e practicanan di fisioterapista na Aruba, esta AVF. Esaki sigur ta di aplaudi y admira, mirando cu nan tabata entre e instancianan cu ta na final a haya presentacion y sosten di e lider di proyecto y no a perde tempo pa traha un estructura y plan di implementacion diCodigo di Proteccion, pa salvaguardia bienestar, proteccion y seguridad di nos muchanan na Aruba.



KEDANDO TAMBE CLA CU SU PROTOCOL DI IMPLEMENTACION Y COLABORACION

Miosotis Tromp a finalisa e curso di Supervisor diCodigo recientemente y awor e lo percursa pa delinea e protocol di implementacion cu su coleganan y DMH. E concepto di protocol di implementacion incluyendo e concepto di protocol di colaboracion ta cla y ta den fase di revision final. FADA tambe ta un stakeholder cu ta encontra hopi situacion na momento di p.e. bishita e scolnan y sigur ta cla y ekipa pa ehecutaCodigo di Proteccion.

ASOCIACION ARUBANO DI PSICOLOGO Y ORTOPEDAGOGO TIN 1 SUPERVISOR DI CODIGO Y CU INTERES PA UN DI DOS DEN 2023


Dia 29 november a tuma luga un presentacion di contenido di Codigo via ZOOM cu Asociacion Arubano di Psicologo y Ortopedagogo, esta AAPO. E miembro Audrey Kan a indica cu e ta masha interesa pa sigui e training/cursu di Supervisor di Codigo, cu lo tuma lugar den 2023. Esnan presente tabata: Meliza Lopez (vrijgevestigd kind- en jeugdpsycholoog en voorzitter AAPO), Shira Essed (freelance psycholoog), Swinda Dumfries (orthopedagoog DVG en bestuurslid AAPO), Dimitri Halley (vrijgevestigd psycholoog), Sue-leida Hernandez (psycholoog MDC en bestuurslid AAPO), Anouk van Densingen (psycholoog EPB).

A base di algun pregunta clave, a sigui un dialogo. E preguntanan tabata e.o.; te con leu un Supervisor di Codigo ta carga responsabilidad pa atende un colega cu a haya conseho? ki momento por papia cu Codigo di Proteccion ta implementa dentro di AAPO? Con por salvaguardia nan calidad y evita malcomprendemento of efecto 'perverse' door di stimula melding?

Mirando cu Laura su contract ta termina den december, Jullie-Ann lo fungi como e persona di contacto pa AAPO.



STICHTING HUNTO (SPD Y FMAA) TIN HOPI ASPECTO 'IN PLACE' Y LO MESTER DJIS INCORPORA E PROTOCOL DI CODIGO DI PROTECCION



Yanelis Botman y Lisanne Courtar a finalisa e training/cursu di Supervisor di Codigo cu exito. Despues di a sinta cu Yanelis Botman y Dalgis Montalvo, directora, tocante e contenido di protocol di implementacion di Codigo di Proteccion, mester aplaudi cu Stichting Hunto tin hopi cos 'in place' caba, cual ta haci e proceso cana mas liher. Yanelis, Dalgis y Lianne ta bay analisa awor pa incorpora Codigo di Proteccion den nan forma di traha actual y nan lo pidi sosten y guia, si ta necesario, na Jullie-Ann Thode.



STICHTING
HUNTO

SECTOR ENSEÑANSA

FINALMENTE A LOGRA UN PROTOCOL DI CODIGO DI PROTECCION PA E SCOLNAN PUBLICO

Tabata un trayectoria sumamente largo y desafiante relaciona cu e preparacion di e implementacion y protocol pa e scolnan publico, pero finalmente a logra esaki. E presentacion di e protocol diCodigo, tabata brinda mediante e lider proyecto, Jullie-Ann Thode, acompaña pa e dos Supervisor nan diCodigo; sra. Anabella Campbell y sra. Vivian Carter di DPS y sr. Ivan Croes, cu actualmente ta na encargo como e 'interim hoofd' di e scolnan publico. TeamCodigo a experiencia un cambio sumamente positivo, specialmente riba e aspecto di importancia y relevancia pa tin un protocol den maneho di DPS, pa atende cu e casonan di un posibelsospecho di abuso di menor.

Tambe a presenta e plan di proceso, p'e sigui cana den aña 2023, cu sigur lo bira uno inspirativo y motivador pa e miembronan den e team di cuido pa e scolnan publico. Di e forma aki nan por ta mas informa, abil y alcaso den e tipo di casonan specific aki. Lo bay bay brinda workshop y/of training relaciona cu esaki, pa asinaCodigo di Proteccion logra haya un estructura sostenibel, duradero, concreto y eficiente.



TRAHANDO RIBA E PASONAN DURADERO PA E FUTURO MAESTRONAN NA IPA

A base di un peticion special for di e team di docente di IPA; Darrelyn Maduro, Marise Maduro y Gyseth Nuesch, team di Codigo di Proteccion a haci un presentacion riba e contenido di e ley di Codigo di Proteccion, na e studiantenan di klas 2 y 3, cual ta trata di mas of menos 30 estudiante. Meta principal tabata pa engrandecé, no solamente nan conocimiento riba e ley aki, pero tambe pone énfasis, cu ta trata di un ley, cu e maestronan mester atende cu ne den na futuro profesion.

E studiantenan a participa activamente y tambe a lansa nan preguntanan critic, manera; e posibel peliger cu nan lo por encontra nan mes den un situacion asina. Den un seno extremadamente sigur, por a logra comparti algun sugerencia facil y practico; con por señalá concreto den e tipo di situacionnan aki, como tambe duna algun conseho practico, manera; con por atende y ehecuta e combersacion cu e mayornan cu ta mas desafiante.



TRAHANDO RIBA E PASONAN DURADERO PA E FUTURO MAESTRONAN NA IPA



Finalmente por conclui cu esaki tabata un mainta sumamente exitoso, cu a habri caminda pa sigui traha hunto, na un posibel contenido concreto den e curiculo di IPA, poniendo e pasonan firme y duradero hunto cu nos futuro maestronan, cu e solo meta; construi un mihor futuro pa nos mucha- y hobennan di Aruba.

SECTOR SOCIAL

PROTOCOL CENTRO DI CUIDO DI MUCHA TA FINALISA

E protocol Codigo di Proteccion pa e centronan di cuidado di mucha ta finalisa y esaki ta conhuntamente cu un protocol di colaboracion entre e centronan di cuidado di mucha y Bureau Sostenemi. Den 2023 cada centro di cuidado di mucha lo ricibi ambos documento y pa drenta den e fase, unda e centronan di cuidado di mucha tambe ta cuminsa traha a base di e pasonan di e Codigo di Proteccion, manera hopi otro profesional y instancia ta haciendo. Mas cu claro den henter e proceso aki tin 2 Supervisor di Codigo pa asisti, facilita y guia e centronan di cuidado di mucha, na momento cu nan tin un situacion di (sospecho) di abuso di mucha.

STICHTING CASA CUNA CU 2 SUPERVISOR DI CODIGO

Stichting Casa Cuna finalmente a entrega nan plan di concepto di e implemetacion di e Codigo di Proteccion y awor ta drenta e proceso final di e implementacion di e Codigo di Proteccion den nan maneho interno diario.

Ta di aplaudi cu awor Stichting Casa Cuna ta conta cu dos Supervisor di Codigo, cu lo facilita e profesionalnan cu ta traha cu mucha y nan lo percura p'e Codigo di Proteccion haya un forma practico y eficiente p'e profesionalnan uza, ora ta trata di (sospecho) di abuso di mucha. Lider di proyecto ta gradici e directora di Stichting Casa Cuna pa su tremendo cooperacion den henter e proceso di implementacion . Alabes ta aplaudi e Supervisoran di Codigo pa nan tremendo participacion den e trayecto di curso como e implementacion mes.

Heart Centered Leadership Foundation (HCLF) ta cuminsa pronto cu e trayecto di implementacion di eCodigo di Proteccion dentro di nan funcionamiento diario. Conhuntamente cu e lider di proyecto lo bay procura pa HCLF haya tur e hermentnan necesario, pa asina nan por cuminsa traha cu eCodigo di Proteccion. Tambe un profesional di e team di HCLF lo participa den 2023 na e training di Supervisor di Codigo y asina garantisa y salvaguardia Codigo di Proteccion, procurando p'e haya un bida super activo dentro di e organisacion di HCLF.

HEART CENTERED LEADERSHIP FOUNDATION KIER GARANTISA CODIGO DI PROTECCION



DEPARTAMENTO ASUNTO SOCIAL TA DRENTANDO DEN E FASE FINAL DI IMPLEMENTACION DI CODIGO DI PROTECCION

Departamento di Asunto Social (DAS), como un di e departamentonan grandi y sumamente relevante den e cadena social, ta drentando den e fase final di e implementacion di Codigo di Proteccion. Por mira bek atras nos ta sumamente orgulloso cu e trayecto di implementacion ta den finalisa. Di e forma aki DAS ta procura pa tur su profesionalnan tin tur e hermentnan necesario, pa traha cu e pasonan di Codigo di Proteccion. Den 2023 e compromiso ya ta haci, cu un di dos profesional di DAS, ta participa na e training di Supervisor di Codigo y asina amplia e sosten y guia den nan departamento.



SCOUTING ARUBA TA INICIA NAN TRAYECTO DI IMPLEMENTA CODIGO DI PROTECCION

Scouting Aruba, como un stakeholder hopi grandi y importante den nos comunidad, a confirma cu nan ta bay cuminsa cu e trayecto di implementacion di Codigo di Proteccion. E organisacionnan di Scouting na Aruba ya tin un formato caba di un "Safeguarding Beleid", cu nan ta uza, ora ta trata di e situacionnan di (sospecho) di abuso di mucha. Den e maneho di "Safeguarding" tambe tin un codigo di conducta, tocante con e lidernan di scouting tin cu anda cu e menornan di edad. Awor Scouting Aruba conhuntamente cu e lider di proyecto lo bay analisa pa incorpora e pasonan di Codigo di Proteccion dentro di nan "Safeguarding Beleid". Di e forma aki Codigo di Proteccion ta comberti den un parti integral den e maneho di 'safeguarding'.



Scouting Aruba tambe a duna di conoce, cu nan ta desea pa tres lider di diferente grupo di Scouting, participa na e training di Supervisor di Codigo den 2023. Di e forma aki, nan por brinda e sosten y guia mihor ainda na henter e famia grandi di scouting na Aruba. E sosten cu e organizacion di Scouting Aruba ta dunando na Codigo di Proteccion ta haci nos sumamente contento y orguyoso.

FELIZ DIANAN DI FIESTA Y FIN DI AÑA

Finalmente nos a yega na un otro Fin di Aña, unda cu nos por wak bek, cu a logra varios meta. Cu tur ora e ta facil, esey nos tur sa cu no ta berdad. E paso di implementacion di e ley aki ta asina importante, relevante y necesario aki mas cu claro ta trece su retonan cu ne. Y no ta desconoci, cu cada movecion y/of cambio ta trece dos cos cu ne: Resistencia y Incertidumbre.

P'esey mes cada lider di proyecto semper ta trata di ta mas conecta y disponibel, cu ta posibel cu veld, teniendo semper na cuenta e necesidad, preocupacion, inkietud y hasta disgusto di veld. Pero na mesun momento, cada lider di proyecto ta trahando cu e vision y pasion, pa un bienestar general, proteccion y siguridad di nos muchanan primeramente, cu ta keda un grupo vulnerabel den nos comunidad.

No tin palabra suficiente pa gradici y complimenta boso pa haci boso trabounan mihor cu ta posibel, tin biaha cu e recursonan menos desea, pero cu tur boso curason, dedicacion y atencion. Den number di Sue-Ann Ras, Jullie-Ann Thode, Laura Rumahloine y Efraim Suurendonk, nos ta desea cada un di boso hopi felicidad y prosperidad y un excelente dianan di fiesta, den compania di boso sernan stima. Cu e dianan di fiesta aki trece mas felicidad y exito

Feliz Dianan di Pasco y un Bon Aña 2023 yena di bendicion, salud y prosperidad pa cada un di boso!!!!

MERRY

XMAS

Happy

2023



CODIGO DI PROTECCION

E BOLETIN CU TUR INFORMACION

JULY 2022 . EDICION 12

TUMA CONTACT CU NOS!



CODIGO DI PROTECCION



Belgiestraat 2, Oranjestad Aruba



+297 528 1245



info@codigodiproteccion.com



www.codigodiproteccion.com



Ministerio di Husticia
y Asuntonan Social

